

GUSTAVO NOUEL CONTRIBUYENDO NA JAZZ FESTIVAL NA RUMANIA

ORANJESTAD (AAN): E internacionalmente "Nae Ionescu" Jazz Festival na Sibiu na Rumania, lo tuma lugar e aña aki pa di 23 vez. Bao auspicio di e Stichting Deventer-Roemenie, e pintor Arubiano Gustave Nouel lo duna un contribucion na e festival aki cu lo ta di 30 di April pa 2 di Mei. El a percura pa dos parti di e programa, esta exposicion y un workshop. Ademá di esey, un obra di Nouel a ser usa tambe pa e posternan di promocion.

Informacion cu DIARIO ta dispone di dje ta indica cu pa prome biaha den historia, e bishitantenan lo por aprecia un exposicion tambe. E pintor Gustave Nouel for di Deventer a expone como 50 obra for di su serie "Jazz-Art". E obranan lo ta poni den un



galeria di un centro cultural. Nouel den e ultimo añanan

creacion di imagennan di a dedica su mes hopi riba

jazz. Den su Jazz-Art Nouel ta duna e.o. expresion na e cooperacion internacional dentro di e cultura di jazz y integracion en general.

E hefe di e organizacion di festival a haci aña pasa un bishita na Deventer y a bishita tambe e atelier di Nouel. El a propone e tempo ey pa laga e poster di promocion worde diseña pa Nouel. En cooperacion cu e imprenta Hattink na Deventer, esaki mientras tanto a keda cla caba. Poniendo enfasis riba e anterior presentacionnan di Jazz-Art di Nouel (e.o. riba e North Sea Jazz Festival, e Jazz & Latin Music Festival na Aruba y na World Expo 1992) y e deseo pa e festivalnan den futuro na Sibiu duna mas atencion internacional, a dicidi pa organiza un exposi-

cion.

Nouel lo bay duna workshop tambe den Jazz-Art na su coleganan Rumano. Posiblemente esaki lo bay traha na forma estimulante, cu artistanan Rumano otro aña mes lo bay tene nan exposicion.

Encuanto Stichting Deventer-Roemenie, e fundacion aki ta dedica y stimula contactonan structural cu Rumania riba e.o. areanan cultural. E fundacion aki ta dedicando su mes hopi tambe pa e festival na Sibiu. Nan a yega di yuda caba anteriormente cu e festival. E aña aki nan lo percura pa actuacion di un banda grandi y ademá un discjockey cu lo bay toca musica jazz. E proyecto a ser haci posible pa medio di sosten financiero di e.o. alcaldia di Deventer y Ministerio di WVC na Hulanda.